春 秋 說

畧

下してき 春秋說唇卷七 公子遂如齊逆女 元年春王正月公郎位 一月遂以夫人婦美至自齊 於齊 為桓逆者輩也為宣逆者遂也皆敗也公以喪昏者急自結 贬也非也夫人一國之母非臣子所當貶也稱婦者有姑辭 遂不稱公子家前文也姜不 氏者唇辭也此未有言納幣者 桓即位忍也宣創位忍也皆與聞乎故也 聽不備貞女不行公以喪娶夫人行非貞也或曰不稱氏 宣公 7 元119 公 楼霞郝懿行學 海陽趙銘彝校刊

公會齊侯于平州 六月齊人取濟西田 **看**利 前星 公子遂如齊 晉放其大夫胥甲父于衞 夏季孫行父如齊 濟西田取諸曹者也齊何爲取諸魯賂故也何爲將會平 稱國以放者放有罪稱人以放者放無罪非也稱人以及 放者薬而置也放或稱國或稱人何也放與殺同例〇或日 也出姜出無姑矣敬麙者妾姑也成乎宣公之篡者仲遂敬 1十〇桓之立也許田假於鄭宣之立也濟西取於齊皆 '路也何為會平州定公位也此魯田何為不言我互見也 〇杜預以不書氏為闕文非也

冬晉趙穿帥 宋公陳侯衛侯曹伯會晉師于棐林伐鄭 **楚子鄭人侵陳遂侵宋** 晉趙盾帥師救陳 秋邾子來朝 晉趙盾旣救陳移師於棐林四國往而會之也何以不言會 師 趙盾大夫與師敵各隨其事以著 宋有罪不與救也或曰闕文也皆非也數則書不敦則不 **楚侵陳宋圖霸也晉救陳急陳也不救宋葢宋未病也或曰** 也 **也胡氏例以會者外爲志此宜稱及而且會誅濟以孤賊黨** 非也 胡氏主公羊謂君不會大夫非 師侵崇 也 稱此爲兵會非好會故稱

晉人宋 秋九月乙丑晉趙盾弑其君夷泉 夏晉人宋人衛人陳人侯鄭 寮師伐晉 棘朱師敗東大公華元 有 一年春王二月壬子朱華元帥師及鄭公子歸生帥師戰于大 其溯 秋說 皆言帥師將尊師衆也言敗復言獲大夫與師敵也 傳 為盾賢也賢也而弑君則所謂賢者乃所以釣世之名而 |趙盾使穿弑其君夷皋或云脣旣外出變 日盾弑傳曰穿弑入穿所以出盾也謬也傳所以出盾者 日伐崇為秦也伐鄭為宋也俄而鄭敗宋秦伐晉 人伐 畧 天之罪傳者爲所欺 鄭 卷七 200 而曲庇之耳果若 由內作亦宣言 不討賊者經當 葢

葬匡王 楚子伐陸煇之戎 冬十月乙亥天王崩 一年春王正月郊牛之口傷改 爲牲日皆不吉廢郊也牛傷牛死何以豁爲災也卜郊不從 悖於經當如歐陽子信經不信傳 何以書為誕也災於物譴於天以爲上帝弗散也禮爲天王 服斬衰王崩猶未葬遠僭越紼滋益罪也 口傷自傷也或言卜郊或言卜牛何也卜郊者兼卜牲 沓 罪雖復入穿終不能出局の趙盾許止諸嶽如傳所載顯 專卜牲也牛死乃不郊為性廢郊也卜郊不從乃不 光不知懿行謂 **卜牛牛死乃不郊猶三望** 即 如此 B

更六月乙酉鄭公子歸生弑其君夷 冬十月丙戌鄭伯蘭卒 宋師曆曹 寨伯稻卒 葬鄭穆公 秋赤狄侵齊 四年春王正月公及齊侯平莒及鄰莒人不肯公伐莒取向 夏楚人伎鄭 莒郯有怨平之義也挟齊侯而强之平非義也莒人不肯義 葬不月闕文也 不肯也平而伐之不義甚矣傳曰其言不肯何辭取向也 **戎在伊洛近王都楚子伐之無君甚矣傳曰葢問周鼎焉**

秋 冬楚子伐鄭 秋九月齊高固來逆权姬 五年春公如齊 夏公至自齊 赤狄侵齊 厭尊毁列辱已甚矣 0 公穀經竝為子权姬此下經亦爲子 公如齊公至自齊 傳日鄭人討幽公之亂斲子家之棺逐其族其爲歸生弑 知 據傳子公實私加之歸生者與鬥乎故也非也與閩杏信有 日公如齊高固使齊侯止公請叔姬書日來逆公自主也 釋首賊而坐與聞之人然則春秋成而亂臣賊子免矣。 子公权 射經 作 可

六年春晉趙盾衞孫免侵陳 楚人伐鄭 冬濟高固及子权姬來 秋八月螽 夏四月 叔孫得臣卒 **看秋 歉暑** 耆也 錗何為或繫月或繁時緊時者人也繫月者未久也雖未久 月 古者自天子以至大夫皆有畱車反馬之道反馬之節以三 高固來反馬也子叔姬來歸寧也反馬不躬至歸寧無竝行 **权姬而此經無子字葢闕文宜從公穀** 老七世人

冬十月 冬公會晉侯宋公衛侯鄭伯曹伯于黑壤 大早 秋公至自伐萊 **每火兒** 夏六月公子遂如齊至黃乃復 七年春衞侯使孫良夫來盟 年春公至自會 取信乎 復者事未舉何以復有疾也何不言有疾君命不爲疾止也 與盟諱之非也經惟齊龠耳實未當盟也若實盟言會何以 良夫來盟衛欲爲晉致魯也會于黑壤始從晉也傳曰公不 公會齊侯伐萊 / 大二二年公

晉師白狄伐泰 戊子夫人嬴氏薨 辛巳有事于大廟仲遂卒于垂壬午猶釋萬入去衞 オ言見 狄爲主抑或莫適爲主也 萬為干舞箭為箭舞非也毛氏詩傳以干羽爲萬舞是萬兼 仲著黃龍也釋者資尸也猶者可以已也萬者舞也以無聲 或稱赤或稱白何也別也殺之役姿戎稱及此不稱及葢白 有事者時船也以于大廟知之遂不稱公子蒙前文也其稱 入箭者管也以有聲去檀弓曰非聽也卿卒不釋。公羊以 死以尸將事 域舒整 舞

城平陽 夏仲孫蔑如京師 九年春王正月公如齊公至自齊 楚師伐陳 齊侯伐萊 冬十月已丑葬我小君敬庭雨不克葬庚寅日中而克葬 期而必以日中區葬哉 荆南日耆日中而克葬譏虿也若葬無譏則雟庚寅而克葬 可也葢葬必以朝旣以兩止而至庚寅何不可更易一夕之 克豬權也葬以平旦虞以日中禮也日中而葬慢也○馮氏己丑對日也與資非葬日也葬飯有日不爲兩止禮也雨不 七月甲子日有食之旣 丑葬日也庚寅非葬日也葬旣有日不爲兩止禮也雨

看秋 設書 宋 秋 九月晉侯宋公衞侯鄭伯曹伯會于扈晉荀林父帥師伐陳辛 陳殺其大夫洩冶 楚子伐鄭晉郤缺帥師茲鄭 晉侯黑臀卒于扈 取根牟 月滕子卒 傳日會于扈討不睦也扈晉地也凡外諸侯卒於師日師於 根牟東夷邑也國曰滅邑曰取不書將帥微者也 殺諫臣也殺諫臣未或不亡也傳曰鑑公淫洩治諫公孫 圍 月癸酉衞侯鄭卒 日會在其國都不地於封內則地不葬者魯不會 漆 に対し

齊崔氏出奔衛 夏四月丙辰日有食之 己巳齊侯元卒 十年春公如齊公至自齊 袓 歸獨 書我 則贅矣 香舉族而出之之辭也♀豊氏曰是崔夭也氏夭篆文相近 **荆南日歸田獨此書我者濟西之田齊與諸侯皆有之而所** 取矣何為歸以魯服故也取不言我歸言我互見也ㅇ馮氏 人歸我濟西田 **儀行父請殺之公弗禁** 氏者何不知也或日杼也或日非杼也不名何也傳曰氏 我故封也若鄰謹闡則魯邑也龜陰之田獨魯有也而

晉人宋人衞人曹人伐鄭 一癸巳陳夏徵舒弑其君平國 春秋說畧 秋天王使王季子來聘 公如齊 六月宋師伐滕 五月公至自齊 公孫歸父如齊蕣齊惠公 事宋 **惇日王季子者王之母弟也其來聘也以報葵也周聘魯止** 此の方氏苞日書王季子未有職司也或日時王之子猶時 去年圍滕院因其喪今叉伐滕暴亦甚矣傳曰滕恃晉而不 而譌恐非 卷七重公

饑 大 冬公孫歸父如齊 季孫行父如齊 齊侯使國佐來聘 公孫歸父帥師伐邾取繹 水 **甚書也春秋饑**一 榖 也君未踰年不舉爵未即位不遣使此書齊侯使何也三月 而葬太不懷也來聘稱使郎吉速也君子以齊頃爲無哀矣 傳日行父如齊初聘也歸父如齊伐邾故也國佐來聘報聘 君之女稱于以別也並通 不成 日饞或言饞或言大餞何也大甚也餞未甚也雖未

楚子伐鄭 秋晉侯會狄于橫區 舂秋說畧---夏楚子陳侯鄭伯盟于辰陵 公孫歸父會齊人伐莒 十有一 說並非 矣 楚 謂子楚以霸皆非也方氏苞曰傳稱侵鄭及傑未當 楚莊始主諸侯盟也胡氏謂因其能謀陳而進之陳氏汪氏 陳事葢因鄭服并徵會於陳而為此盟本無討賊之心可知 五伐鄭暴也稱子稱人義非衰貶親將與不親將爾胡氏 月楚人殺陳夏徵舒丁亥楚子入陳納公孫寧儀行父子 一年春王正月 卷七宣公 語及

春秋說畧 楚復之 舒於私邑然後 然後入 甚遠徵舒弑君豈敢復入 行父者陷君於惡者也又納之杜氏預日二 入而後殺誤矣。懿行按 此 亦非真能討賊者也宋人執鄭祭仲非討賊辭也楚 則不辭猶之 / 陳耳經書丁亥在殺徵舒之後正 謬也 0 李氏 一殺討賊辭也非也討賊者不繫於稱人不稱 徵師殺之亦非討賊辭 耳楚或 べ卷七宣公 楚子親入 夫皆稱人以執之無目其君者也或 或稱子何也 <u>:</u> 《國都楚子葢就其私邑執而殺之 以經文推之葢楚先遣大夫 也入者不有其地 **鹏**辭之 九 體也若書楚子 明殺而後 一子功足 公孫寧儀 補 人也

楚子圍鄭 十有二年春葬陳靈 夏六月こ **豈亦討賊而葬也** 伐見主兵在齊後書衛及明主戰在衛傳者綠此謂凡戰言 販 返 **党子亦雅上書齊人伐山戎下書齊侯來獻戎捷** 春秋以衛及齊豈亦內衛外齊乎彼葢屬辭之體也先書齊 外先林父者內晉也後楚子者外楚也昔者齊銜王命伐衞 林父臣也楚子君也何爲以臣及乎君春秋之法尊內而 及皆為主乎是戰非也艾陵之役吳主戰也而以齊國書 一公弑三年矣始葬者漫也抑或徵舒亂國不得葬也傳曰 不討不書葬然則賊不討而葬者多矣周桓王七年乃葬 卯晉荀林父帥師及楚子戰于邺晉師敗績 公 抑

十有三年春齊而伐莒 宋師代陳衛 秋七月 晉人宋人衞 冬十有二 豈楚滅之 源 病也清上 四 經言滅傳言演非實也楚旣滅之厥後辰佗彄地云 也 陳貳於楚宋伐之衞救之非討貳也楚伐宋晉不救非恤 國稱 偏師輕戰失律駠民自是楚莊橫日以兵力劫諸侯 則以內及 月戊寅楚子滅蕭 人皆大 之盟 不能有其地猶屬於宋與 八曹 (救陳 外也明矣林父何為戰州救鄭也不言救不及 未寒也 夫也其日同盟志同欲也盟之言日恤病討 同盟于清丘 八蕭以叛

秋螽 秋 **葬曹文**公 晉侯伐鄭 夏 夏楚子伐宋 春秋說畧一 冬晉殺其大夫先穀 有四年春衛殺其大夫孔達 晉釋楚罪朱頗矣 晉伐鄭邲故也楚圍宋陳故也皆稱爵君將也胡氏釋鄭罪 九月楚子圍宋 五月壬申曹伯壽卒 殼達命而敗邲雖信有罪矣晉釋將而誅佐又加以召狄之 **罪盡滅其族甚矣** 卷七宣公

春秋說客 冬公孫歸父會齊侯于穀 复五月宋人及楚人平 傳日稱人貶也平者在下非也鄭人來渝平何不亦云平在 是也此宋人及楚人平則未知其君之意與或大夫之意與 及內平則無問其君大夫一皆稱人於義無嫌鄭人來渝。 **書人何也屬辭之體也平者繫一國之事目君大夫則嫌於** 及楚子反盟不更切著乎 書宋及楚以內及外也上書公孫歸父會楚子于宋下書宋 下貶也〇方氏苞日使欲見平者在下則如袁婁書宋華元 八及楚人不葢魯實不之也內及齊平及鄭平皆不書人此 一人之私内旣不目君大夫而外書齊人鄭人則贅矣若外 春公孫歸父會楚子于宋 ~老七度公

初稅畝 秋螽 六月癸卯晉師城赤狄潞氏以潞子嬰兒歸 仲孫茂會齊高固于無數 秦人伐晉 札子殺召伯毛伯 潞 乎凡兩下 秋非也大夫無專殺君殺大夫猶書之大夫殺大夫反不 政使札殺之臣不忌君無政刑也傳曰兩下相殺不志乎春 札子疑當為王子札也文誤倒耳傳曰王孫蘇與召毛 者始也稅者取民也畝者田畝也周制九夫爲井井 氏國子爵赤狄別種嬰兒其名也 ·相殺稱名別於君殺也

鼷 冬蛛生 螽蜍者 生還為螽者開不囚牝牡腹中陶冶而生故名生還為螽對散以蘇馬此好子非也緣即與鄉設 飛蔽天不知 蛛者螽子也何以: 中為公田八家私百畝乃殷人助法非周之徹也徹無公私 田 有若日二吾猶不足如之何徹也自是用田賦〇孟子言井 收十畝之 畝分之九夫夫 日徹田爲糧 時災饑者 八復殷餘畝稅其十 所自來放 叉曰族1 書游災也蝝何以言生螽何以不言生螽 畝徹取十畝以 取十 一歲災 不曰生蝝見其生而知之故曰生蝝 千古者藉而 是十取二也其後哀公謂 藉而不稅稅畝井古也旣為賦而不收餘畝之稅故

秋 夏成尉宣榭火 看秋 談書 郯伯姬來歸 疑此經本亦為災偶脫其上爲火耳 **書存古也○經無書火者獨此有之公穀二經亦竝爲災字** 宣王廟皆非也廟不得謂榭榭不得藏樂火者人火之何以 凝 **有六年春王正月晉人滅赤狄甲氏及畱吁** 成問洛陽王之下都宣榭葢宣王講武屋也凡有廂有室日 來歸大歸也歸鄉何以不曹常也來歸何以書變也常事得 **廂無廂有室日寢無廂無室日榭或日宣榭者樂器存或**。 甲氏雷吁赤狄別種言及者別二族旣滅潞氏叉并盡其餘 **番變事雖得禮必書郯伯姬何以不卒旣出不卒祀权** 老七里

冬十有一 は今していれば日 秋公至自會 已未公會晉侯衞侯曹伯邾子同盟于斷道 冬大有年 六月癸卯日有食之 夏葬許昭公葬蔡文公 有七年春王正月庚子許男錫我卒 ·未蔡侯申卒 會齊侯不至故復謀齊 同盟者同欲也或日同外楚或日同謀齊或日本爲外楚徵 姬何以卒為逆喪卒也此不 大者非常辭有者非常有大有年大熟也 一月壬午公弟叔肸卒 / 公内に直公

公伐祀 秋七月邾人戕郇子于郇 夏四月 - 有八年春晉侯衞世子臧伐齊 則不義與之財不受織履而食終其身〇或日稱权者譏 卒傳日賢此何以賢通恩也宣弑立肸非之欲去則不可仕 時君言日公弟凡丙稱公子皆卿也卿卒禮也此未任何 著之方氏說是 **戕者殘殺之於國都者掩其不備鄫子不名史失之** 卿非也季友仲遂叔肸稱氏者皆以公爲之變而加禮故特 叔氏肸名也或稱公子或稱公弟何也主先 **戊楚子旅卒**

春秋說畧卷七 歸父還自晉至笙逑奔齊 冬十月壬戌公薨于路陵 公孫歸父如晉 逐之傳日季孫行父言於朝而逐之捐君殯奔父使於臣爲 執圭復命於殯歸父家遭墠帷哭踊介復命走之齊然則誰 還者事已畢笙魯地未及園也何以奔葢逐也禮君薨聘使 侯於是始卒之何以不葬避其號也何以稱子從其爵也 楚不卒此何以卒告則卒弔則卒楚莊殭會盟征伐交乎諸 死君於子為死父

無水 三月作丘甲 春秋說畧卷八 元年春王正月公即位 **上當一** 月辛酉葬我君宣公 步兵二十四合為七十二故甲者旬賦也非上賦也何以謂 六十四井也其地為 作為也甲兵也匕者十六井也古者旬出甲匕不出甲甸者 成 **甸是益兵也何爲益兵傳曰齊難故也〇甸與乘古** 公 **棲霞郝懿行學** 一成其賦車一乘出甲士三年一甲統 海陽趙銘蘇校刊

冬十月 秋王師敗績于茅戎 夏四月丙戌衞孫良夫帥師及齊師戰于新築 夏臧孫許及晉侯盟于赤棘 一年春齊侯伐我北鄙 敗也不言戰省文也傳日劉康公徽戎伐之叔服諫不聽敗 益兵〇公穀以甲爲鎧非也杜氏預謂使上出甸賦加三 字通成方十里旬旁加 王師者非王將也茅戎者戎屬也王者無敵王師何以敗自 亦無是理獨胡氏得之 不及一甲今令丘出二十五人則一甸所賦計百人矣故日 行う 里也周制甸賦所出上得十八 倍

于人人己是 秋七月齊侯使國佐如師已酉及國佐盟于袁婁 六月癸酉季孫衍父城鄉許叔孫僑如公孫嬰齊師師會晉卻 克衞孫良夫曹公子首及齊侯戰于鞌齊師敗續 如之佐也葢是時魯止二軍故其後三軍稱作 婦人一 **也師在輋矣盟則何爲於袁婁盟於召陵退盟也盟於袁章** 屈完日來盟此其日如師何來盟者請盟也如師者非請盟 進盟也退者以禮進者以力傳曰齊侯使國佐如師晉人不 也臧孫許逆晉師遂導之故與乎帥師耳四國戰擊或曰為 凡戰曹將不書佐此其書之何四卿並將也四卿將者三 〇方氏苞日春秋時軍師正佐皆卿許行父之佐也嬰齊僑 **福及齊者齊稱師非卿将也故後衛 笑也或凹齊即楚故也袁婁盟而齊從晉者三十載** | 戻し 安公

取汶陽田 庚寅衞侯迹卒 冬楚師鄭師侵衞 八月壬午宋公鲍卒 十有一 侵衛遂侵魯師於蜀不書者禁兵未加魯公懼而往會之也差未有稱公子者自嬰齊始傳曰嬰齊爲陽橋之役以救齊 袁婁 者魯故田也何以不鬥齊人歸自外曰歸自內曰取 晉使齊還魯取者不以好得也介人威力而居有之汶陽田 肯佐怒而歸將復戰晉脫魯衛使請乃相與追焉而盟之必 不没公則知凡會盟不目公者非公也 一月公會楚公子嬰齊于蜀

看火说男 辛亥葬徧穆公 甲子新宫災三日哭 部人盟于蜀 丙申 公及楚人秦人宋人陳人衛入鄭人齊人曹人邾人葬. 一年春王正月公會晉侯宋公衞侯曹伯伐鄭 月公至自伐鄭 僖宮主己遷也僖公主己遷因舊宮而新焉新主猶未入於 新宮者宣宮也何以不稱宣宮主未入也主未入何以不稱 傳曰討邲之役也朱衞未葬皆以爵舉非禮可知 盟也非也 夫也其先楚主盟也O鄭大夫稱人恒辭耳傳曰鄭不書**匮** 會則日公子嬰齊盟則日楚人前目後凡也諸國稱人皆大 を入版公

夏公如晉 秋权孫僑如帥師圍棘 鄭公子去疾帥師伐許 乙亥葬宋文公 公至自晉 傳日壞廟之道易槍可也改塗可也此時新舊之主皆不在 詞新主未入舊主在焉亦恐非檀弓記日有焚其先人之宝 故日新宮然是先人榛輔之處災而哭焉固其宜也三傳皆 則三日哭明不必主在始當哭也 0 記叉日新宮火亦三日 是災三日哭禮也 0 宜公薨二十八月矣主猶未入宮敍也 哭是此經災當為火如成周宣榭火之例 以爲禮胡氏據劉絢謂宮成主未入不當哭非也李氏光地

大零 导火烈琴 庚盟丁未及孫良夫盟 晉卻克衞孫良夫伐廧咎如 於人故不目也鄭伯使其弟語來盟不言何人與盟也公子 恶其遂事非也來聘己繫國矣 不言其人亦以國與之〇胡氏據劉敞謂庚良夫不繫國者 言來聘不言來盟非前定也言及不目其人義繫於盟不繫 **廧咎如赤狄別種 友如齊涖盟亦不言何人與盟也傳曰不言及者以國與之** 傳日取汝陽田棘不服故圖之凡內獨圖者皆叛邑 月晉侯使荀庚來聘衞侯使孫良夫來聘丙午及荀 名人業公

夏四月甲寅臧孫許卒 杷伯來朝 四年春宋公使華元來聘 公如晉 |月壬申鄭伯堅卒 坚字數梁作費字今定本亦作堅字 公羊 釋文云堅本或作取硫云左氏作 非也鄭人來告其辭必不曰鄭也即書鄭人亦曆史目之耳 年鄭伯伐許皆無貶何以獨於此焉貶杜氏預調告解畧亦 鄭無人畧辭也 〇 胡氏以去人為貶非也是年去疾伐許明 案玉篇云成公四年 鄭人來告亦必不自日鄭人也方氏苞調赴告不及傳聞學 亦非也列國侵伐多矣苟無赴告何得以傳聞舊也 鄭伯維卒組古干切是堅古本作組也

梁山崩 夏叔孫僑如會晉荀首于穀 仲孫蔑如宋 冬城耶 五年春王正月杞叔姬來歸 葬鄭襄公 鄭伯伐許 秋公至自晉 之應非 梁山晉望也不繫國者名山大澤不以封叉地道廣遠變異 **偷是伐喪也** 一一年冬楚鄭侵 鄭舉霞 國獨當故地震山崩不繫國 喪未踰年即吉從戎其父伐人喪其子以喪伐人

取郭 冬十有一月已酉天王崩 春秋說暑 六年春王正月公至自會 十有二月己丑 公會晉侯齊侯宋公衞侯鄭伯曹伯邾子杞伯 秋大水 同盟于蟲牢 一月辛巳立武宮 職立非也 立者不宜立也武宮者武公之宮武公者去公十一 天王崩會盟不廢見其皆不臣 傳日鄭嚴也鄭與許訟而不勝肯楚即晉故爲是盟胡氏曰 久矣又立之 O 杜氏預誤以武宮爲武軍謂季文子以**峯**之 £ 一世廟毁

秋仲孫蔑叔孫僑如帥師侵宋 衞孫良夫帥師侵宋 壬申鄭伯費卒 夏六月邾子來朝 楚公子娶齊帥師伐鄭 公孫嬰齊如晉 冬季孫行父如晉 者取為附庸也調內滅書取非也徐人取舒外亦書取滅項 內亦書滅以此知滅與取異道也 晉於是命魯衞侵之○胡氏謂伐也貶而書侵寧有是理 傳日晉命也宋旣同蟲牢之盟諸侯謀復會宋以內難懈爲 那微國也或日邾邑非也取邑無不繫國者 ○方氏苞日取

吳伐鄰 秋楚公子娶齊帥師伐鄭公會晉侯齊侯宋公衞侯曹伯莒己 夏五月曹伯來朝 不郊猶三望 七年春王正月晚鼠食郊牛角改卜牛鼷鼠叉食其角乃免牛 災也傳曰備災不至非也鼨微矣其為害無可備投黃氏農鼷鼠微鼠也牛角如繭栗日展焉見其傷改卜牛又食之斿 | 樂書師師救鄭 畜不知痛人 免牛即不郊矣再言之者免牛在春不郊在夏既不同時須 備言之〇胡氏据朱長文以爲三望僭天子禮然與僖三 年傳不合葢失檢也 4 春秋說書——一一一卷入此公 冬大雩 八年春晉侯使韓穿來言汶陽之田歸之于齊 吳入州來 公至自會 循孫林父出奔晉 戰率之後齊服事晉故晉復來言歸其所取汝陽田者 殭也傳曰晉人巫臣爲之也吳以圖舉與荆同 州來微國楚所與入之將以撓楚也春伐郯秋入州來吳始 出會盟而諸侯復集 以大夫主會盟遂失諸侯楚主夏盟近二十年至是景公屋 同盟同病楚也傳曰尋蟲牢之盟且舊服故也晉自靈公數 子杞伯救鄭八 月戊辰同盟于馬 歧

晉侯使士燮來聘叔孫僑如會晉士燮齊人邾人伐郯 宋公使華元來聘 秋七月天子使召伯來賜公命 晉殺其大夫趙同趙后 晉樂書帥師侵紮 冬十月癸卯杞叔姬卒 臭米公使公孫壽來納幣 公孫嬰齊如莒 體也 天子天王通稱爾賜與錫同義爾或皆因近似而誤 納幣常事何以書傳日錄伯姬也或曰卿納幣非禮也或曰 田也歸者取取者歸晉無信齊無義魯無權以是爲市而已

九年春王正月杷伯來逆叔姬之喪以歸 衛人來胺 葬則自應耐廟與宋襄公母異矣 甘心乎書曰以歸成之爲婦也汪氏克寛曰夫在而逆喪歸 姬無罪也非也杞孱國耳果若叔姬無罪被出魯人寧受而 **杷伯來自來也叔姬出未反沒而親逆其喪非禮也或日权** 諸侯三歸一 唯書齊人 **滕淺事耳何以書傳日錄伯姬叉日三** 二姓女婦人謂嫁日歸 |女º傳日諸侯嫁女同姓滕異姓否非也若滕必同姓經)女不皆宜子故也論語云管氏有三歸包氏咸曰三歸來 八來勝足矣不必復書衛晉也滕必異姓者以 |國往滕以姪娣從凡九女唯王后三|國滕則十 國來朘非禮也古者

晉人來媵 夏季孫行父如宋致女 公至自會 公會晉侯齊侯宋公衞侯鄭伯曹伯苕子杷伯同盟于蕭 月伯姬歸于宋 伯姬歸宋復來滕者凡滕必送至嫁女之國隨嫡而行 體也 致猶至也女嫁三月而廟見稱婦隨加聘問以安之謂之致 逆者非卿故不書 傳口為歸汝陽之田故諸侯貳晉人懼為是會 女常事耳何以警傅曰銤伯姬也或曰卿致女非體也或曰 齊侯無野卒

春伙說界 城中城 順人图符 秦人白狄伐晉 楚公子嬰齊師師伐莒庚申莒潰、楚人入聊 晉人執鄭伯晉樂書師師伐鄭 冬十有 苕而以偏師入鄆故書楚人芯非伐苕入鄆兩事也故再舉 中城者或日東海邑或日魯內城楚潰莒入鄆迫近魯故城 伐莒稱嬰齊入鄆稱楚人者前目後凡也方氏苞謂嬰齊在 因朝而執也傳日鄭伯如晉晉人討其貳執之銅鞮而伐之 人人即嬰齊也猶之會蜀稱嬰齊盟蜀稱楚人原止 示晉不急君也 月葬齊頃公 下 经入城公

五月公會晉侯齊侯宋公衞侯曹伯伐鄭 夏四月五卜郊不從乃不郊 十年春衞侯之弟黑背帥師侵鄭 但爲性災非日不吉故特言下牛而已 晉侯者孺也傳曰孺有疾立太子州蒲爲君非也州蒱生代 鼯鼠食郊牛角既言免牛又言不郊者閒有異事也彼不郊 兼包牲日故須言不郊以見之非止爲不免牲一事也然則 傳日晉命也方氏苞日其稱弟未有職司而任國之大事也 郊非也卜者卜日奥牲不從者二事皆不吉也不郊之故乃 夏四月不時也四卜非也況五卜乎傳曰不免性故言乃 後也〇傳日非外民胡氏曰譏警守之徵皆非也 以備不虞叉得時此不爲譏杜氏預曰此閏月城在十 月

冬十月 ドととして **晉侯使郤鑵來聘已丑及郤犫盟** 秋七月公如晉 丙午晉侯猯卒 齊人來隊 **十有一年春王三月公至自晉** 傳日晉人止公送葬葢魯人辱之故不書葬非孔子削之也 **晋人止公凡九月懼公歸而貳也使卻犨隨加聘問攀因以** 便宜結盟稱及者與荀庚同 經何不書也 皆傳誣經者也傳叉日鄭人改立君晉伐鄭而歸鄭伯若然 父孺生立子大惡也春秋何故成之〇 フルーラン 此與鄰太子朱僑事

冬十月 秋晉人敗狄于交剛 夏公會晉侯衛侯于瑣澤 冬十月 秋权孫僑如如齊 夏季孫行父如晉 **尾利部署** 十有二年春周公出奔晉 聽成會于瑣澤成故也非也經叉無鄭也 傳曰宋華元克合晉楚之成非也經無楚也又日鄭伯如晉 惡惠襄之偪且與伯與爭政也 王居內地則不言出臣自外奔亦不言出周公何以奔傳曰 傳曰自周無出非也天王之出也鄭也周公之出也晉也凡 一をカー

人伐察 夏五月公自京師遂會晉侯齊侯宋公衞侯鄭伯曹伯邾人滕 三月公如京師 一有三年春晉侯使郤錡來乞師 **瞽公自京師者著實也不書公自京師則無以見會諸侯於** 京師叉無以見諸侯皆朝於京師也書遂會者亦著實也不 過也或日書如者不與朝也非也內書朝日如公如齊 所故須言朝京師不言王所故不言朝也雖朝而非特朝道 如楚皆朝也 朝 非禮故內外通曰乞 言乞者重師也又明列國之體不相統壹非王命而徵師皆 也何以不言朝書如京師則朝不待言也踐土河賜言王 如晉

昏火公

₹ 经人成公

文: 葬曹宣公 秋七月公至自伐秦 酉伯虛卒于師 夏衞孫林父自晉歸于衞 十有四年春王正月苕子朱卒 襲此可見諸侯卒于師之禮 朱檀弓記日諸侯伐泰曹桓公伯置卒於會諸侯請含使之 事實本事也 范氏衛日徐逸云葬皆稱諡苕君無諡故終春秋不葬の懿 不以京師致者道過也 書遂會則疑朝王與會伐為兩事也遂者繼事之辭此雖繼 行按傳稱渠上公犂比公皆號也知無諡 19 等火兒等 美人成公 秋 鄭公子喜帥師伐許 九月僑如以夫人婦姜氏至自齊 辭 权孫僑如如齊逆女 所當貶氏與不氏叉非竅貶所在也 謂書氏傳寫誤衍未必然也或曰無貶也非也夫人非臣 無難矣何以言復宋華元亦歸自晉無以見爲不難也何以 不言復 氏苞謂復歸爲難歸爲易亦非也復歸爲難衞元咺歸自晉 為惡歸為善非也復歸為惡晉趙鞅叛也何以歸不言復方 歸或言復或不言復文有詳畧耳或曰大夫無復道故復歸 也移姜存焉耳稱氏異於不稱氏者何詳畧解耳趙氏医 事而再見者卒名之僑如不氏前巳見也夫人稱婦育 1 1 1 <u>t</u> The second second second

泰伯卒 冬:十月 庚寅衞侯臧卒 一月乙巳仲嬰齊卒 父也非也弟後兄是孫亦可父祖乎歸父家遭嬰齊葢以庶 孫後仲遂故世稱仲氏〇方氏苞謂是時魯有二嬰齊皆 孫以王父字為氏也傳日為人後者為之子仲嬰齊者後歸 嬰齊者何不知也其稱仲葢於歸父爲子行而襄仲之孫: 有五年春王二月葬衞定公 孫使其卒書公孫嬰齊則與十七年卒貍服者無以知爲兩 相說別何足登於春秋乎若二 故魯人以仲為别而舊史因之非也卿卒皆書氏而 以與人同名變而書字則非義所安且咎人私立號名 |嬰齊果皆公孫氏於其卒 也

城晉侯執 癸丑公會晉侯衞侯鄭伯曹伯宋世子成齊國佐邾人 繋於稱爵稱人凡執稱人畧辭也以為不必別也其或稱 歸于京師正也凡執路侯或稱鹤或稱人何也義繫於執 稽討也又盟焉盟則不當討討則無與盟盟而執之非禮也 者非育侯也二 也若入 便文也以爲不得不別也晉侯入曹執曹伯則稱虧蒙上文 盟于戚討曹也傳日曹宣公卒負芻殺太子而自立三年矣 曹伯 以執者霸討稱人以執者非霸討非也凡稱爵稱人 曹 則稱爵亦蒙上文也若同盟稱爵執稱人則疑親 |稱虧執稱人則疑親執者非晉侯也此同盟 歸于京師 齊亦何嫌為非兩 者皆辭有所窮也外此 人而必瑣瑣然別 無稱爵者矣傳 之也 同盟于 八非褒 一手戚 稱

春秋說畧 奔楚 宋華元出奔晉宋華元自晉歸于宋宋殺其大夫山宋魚石出 秋八月庚辰葬朱共公 楚子伐鄭 夏六月宋公固卒 公至自會 而執一 **貶所在春秋不以爵為褒人為貶の旣盟於戚然後執曹 傳日華元相宋邁山弱公室殺子肥於是華元恥之走之晉** 是盟而後執兩事也故必再言晉侯會於盂執朱公是因會 山不氏從告解也魚石者山族也走之楚傳曰魚石止華元 於河上 事也又在會諸侯同執之故不得再言楚子 |反而歸非也若華元實未至晉經何得書自晉歸也 卷入月公 伯

春秋說得 許憑于葉 鄭公子鮨邾人會吳于鍾離 冬 十 有 會又會者兩會也吳子殭諸侯之大夫不敢致其來爲會以 傳日殊會吳外之非也卽外吳者何以不外楚 山以背族削氏則其類頗矣按後一祭見方 國惡之故告不以氏謂春秋削之非也弑君之賊無不氏而 **喬方出即入不得再舉良喬皆因事屬辭以著其實也 0 叉** 隔千里奔晉歸宋非一時事不得不再舉華元許鄭接壤良 謀之於是乎相率以往鍾離者楚邑也迫近吳就而與之會 日宣成而後外大夫無不氏者而宋山獨不氏從告辭也其 〇方氏苞日再書華元與良獨自許入鄭異辭正爲晉宋懸 月叔孫僑如會晉士變齊高無咎宋華元衞孫林父 一一一一一一一一一一

| 晉侯使樂屬來乞師 甲午晦晉侯及楚子鄭伯戰于鄢陵楚子鄭師敗續 六月丙寅朔日有食之 鄭公子喜帥師侵朱 十有六年春王正月雨木冰 四月辛未滕子卒 不霉而雨温也旣雨而冰寒也上温而下寒雨著木成氷或 日木稼或日木介也の胡氏據何休云木少陽水兵象水裔 戰稱將敗稱師常也此何以書楚子凡君敗稱君師敗稱師 木大臣執兵之後鑿矣 其甚者此敗者楚子耳矢集於其目然則别之敗宋公傷 何以稱師師敗甚也抑或楚子當爲楚師文誤耳

楚殺其大夫公子側 春秋說各 曹伯歸自京師 公至自會 秋公會晉侯齊侯衞侯宋華元邾人于沙隨不見公 見也傳日鄢陵之戰魯後師期僑如訴公於晉侯。沙隨不 諸侯為期謀伐鄭公會焉而之乎沙隨晉侯信薨而嗛公不 既曰公會矣叉日不見公何也會者其志也不見者其事也 執 尹氏王卿士子爵未有以王臣會伐者於是始 諱非 也即曲在公亦不得諱也諱則沒其實矣 見公平上不與盟直壽無隱胡氏遂謂二役曲不在公故不 而歸者名此何以不名啖氏助曰諸侯失地反國則名 尹子晉侯齊國佐邾人伐鄭 老人成公

冬十月乙亥叔孫僑如出奔齊 九月晉人執季孫行父舍之于苔丘 十有二月乙丑季孫行父及晉郤犫黒于扈 **乙酉刺公子偃** 公至自會 乎未嘗執以餙耳或日舍演也 偃之罪未有聞焉爾傳日穆姜私乎僑如欲去季孟公難之 為重也 **執永有言舍之于者此其言之何舍者釋也舍之于苕丘明** 伯在京師而王不點之是不失國故不名也 高氏問日內大夫執則政行父不致者公待行父偕歸及

九月辛丑用郊 学人人に見る 齊高無咎出奔莒 秋公至自會 六月乙酉同盟于柯陵 **夏公會尹子單子晉侯齊侯宋公衛侯曹伯邾入伐鄭** 十有七年春衞北宫括帥師侵鄭 九月不時甚也用郊香不卜日不卜性直郊而已〇劉氏做 以用為用人以祭恐非也昭十年季平子始用人於亳祉 不目諸侯尹單與盟也未有王臣與盟而稱同者於是始 衛不卒戌刺買之獄僻也故舊史據而書之若偃之刺其故 不可言也刺之亦不能言其故也直書刺而已 是言歸而刺之然則與與刺公子買與解何也方氏苞日皮 する人人人人

十有一 **晉侯使荀嵡來乞師** 壬申公孫嬰齊卒于雞服 冬 公會單子 晉侯朱公衞侯曹伯齊人邾人伐鄭 老毛的是 **晷耳未必如方氏所說** 也杜氏預日十一月無玉申日誤也○朱公數傳竝以壬申 從公伐鄭歸也道疾而卒蘇氏轍曰大夫卒不地其地在外 **普**人非卿也自成以後列國之卿會盟侵伐皆以名見其不 晉未能展鄭三假王命以臨之鄭人卒不服の方氏苞日齊 為十月十五日也以為待 公至然後卒大夫故十月之日書 名者非卿也懿行謂外卿大夫恒稱人或名或不名史有詳 月公至自伐鄭 月之下非也月日鄭倒史無此例上書昭公孫于 7 春秋說唇一卷八成公 庚申晉弑其君州補 楚人滅舒庸 十有八年春王正月晉殺其大夫胥童 晉殺其大夫郤錡郤犨郤至 邾子貜且卒 十有二月丁巳朔日有食之 、 滿晉屬公名滿是同名不諱今作滿豈誤與 紀年叉云晉厲公卒復不言弑 0孔疏引應劭云周穆王名 異解經旣不書則未知傳之信否也春秋不以疑加人竹書 傳日樂書荀偃使程滑斌也何以不書凡傳所據香或傳聞 朝而尸三卿傳曰胥童爲之也未幾亦誅死 青叔孫婼卒非待公至然後卒大夫也 ----

八月邾子來朝 晉侯使士匄來聘 公如晉 公至自晉 秋妃伯來朝 築 鹿 囿 夏楚子鄭伯伐宋宋魚石復入于彭城 齊殺其大夫國佐 亂而入故不言納據公孫學儀行父 入者逆辭也不言納者楚鄭自伐宋本不爲納魚石石自乘 **囿者禽府也鹿者其名也築者為牆也處民利非正罷民力** 不時其後昭築郎固定築蛇淵囿

春秋說畧卷八 晉侯使士魴來乞師 えんくしょ 十有二月仲孫蒑會晉侯朱公衞侯邾子齊崔杼同盟于虛朾 冬 楚人鄭人 俊栄 己壯公薨于路慶 傳日謀赦宋也 ·未葬我君成公 アルンとは

秋楚公子王夫的師侵宋蘇此與五年經左公穀並作王夫顏 宋彭城 夏晉韓脈 仲孫茂會晉欒黶宋華元衛甯殖曹人莒人 邾人滕人薛人 **工年春王正月公即位** 宋文也 彭 **|秋說畧卷九** 伐者討貳也次者援伐 非為宋討猶當緊宋也然則無石入彭城何以不緊宋蒙 城緊宋者傳日為宋討故緊宋非也凡邑無不繫國者即 襄公 餬 師 伐鄭仲孫蒑會齊崔杼曹人邾人杞人次于鄫 棲霞郝懿行學 也 海陽趙銘彝校刊 伐 圍

郑 蔥 冬衞侯使公孫剽來聘晉侯使荀罃來聘 二年春 子來 師伐宋 年成 也計未至魯不爲非禮○懿行調杜氏亦隨度耳冬者總奉 五月庚寅夫人姜氏薨 芭族 沙 秘訪暑 庚辰鄭 王崩朝 五 **時何以知爲十月初也若王訓巳至則此當與蟲牢義同** 朝 王正月葬简王 西天王崩 聘不廢者杜氏預日辛酉九月十五冬者十月初 伯喻卒 看力!

冬仲孫茂會晉荀罃齊崔杼宋華元衞孫林父曹人邾人滕人 師 孫豹 如朱 丑葬我小君齊姜 非 城邑不軼國何也城不擊鄭戍擊鄭互見也城若繫鄭無改 方氏苞謂虎牢不繫鄭者城楚上緣陵皆不繫國葢職方具 七月仲孫蕿會晉荀罃宋華元衞孫林父曹人邾人于戚 而 難鄭虎年者巖邑鄭之吭也可以扼鄭可以制楚諸侯討鄭 見為難鄭也成若不繫鄭無以見為鄭色也城虎年何以為 小邾人于威逐城虎牢 宋師衞甯殖侵鄭 伐喪也稱師者將卑稱將者師 不服於是乎城之而楚不爭鄭不叛天下息兵者六年O

春秋說畧 夏四月壬戌公及晉侯盟于長樗 公如晉 楚殺其大夫公子申 公至自晉 三年春楚公子嬰齊帥師後吳 17月公會單子晉侯宋公衞侯鄭伯莒子邾子齊世子光己未 樗近晉地也出其國都而外盟禮也讓以接同列 非關文與舊二年及 在也謂楚上樣陵不繫國而外此無不繫國也楚上綠陵得 在書某地即知為某國非也春秋滅國五十二惡觀職方具 公本為朝不爲盟故不以長樗致 公如晉始朝也非體也童子俟不朝王公即位時年四歲長 老九妻公 昏火発層 冬晉荀砮帥師伐許 秋公至自會 戊寅叔孫豹及諸侯之大夫及陳袁僑盟 同 四年春王三月已酉陳侯午卒 陳侯使袁僑如會 及以及 同盟者鄭服也盟王官非禮也杜氏預日靈 僑以大夫盟大夫禮也袁僑免乎伉諸侯免乎卑。方氏苞 如會者後會也 伯 盟于雞澤 日諸侯在則大夫不列序屬辭之體也救徐盟湨梁皆然 出盟諸侯安王室故無護 何也豹及諸侯之大夫先受命於其君而後及乎袁 色九聚公 三新立使王官

葬陳成公 冬公如晉 陳人圍頓 秋七月戊子夫人姒氏薨 夏叔孫豹如晉 权孫豹鄫世子巫如晉 夏鄭伯使公子發來聘 五年春公至自晉 八月辛亥葬我小君定姒 傳日成屬鄭也不言及不知也傳曰比諸魯大夫恐非也也 齊姜夫人矣又一夫人也以是爲贗爾 THE THEFT 此與下 條俱不言及或俱闕文二事外更無其比

冬戍陳 **楚殺其大夫公子壬夫** 秋大雩 公會晉侯宋公陳侯衞侯鄭伯曹伯苕子邾子滕子薛伯齊世 公至自會 子光吳入鄫人于戚 * 鄭與會屬不利思也此不殊會吳何也鍾雕往而郎吳故殊 曾成则來而聽命故不殊會也 吳會善道不稱人唇解耳此稱人便交耳不可日吳鄉人也 孫度衛孫林父會吳于善道 日吳先在善道二大夫往會之故日會吳 不言及者杜氏預日魯衞俱受命於晉故不言及恐非也又

救陳 楚公子貞帥師伐陳公會晉侯朱公衞侯鄭伯曹伯<u>齊</u>世子光戍虎牢亦然見十 滕子來朝 春秋豁畧 夏宋華弱來奔 辛未季孫行父卒 十有二 **六年春王三月壬午杷伯姑容卒** 葬れ桓公 **會于戚命戍陳也戍陳何以不** 序故言我也諸侯在會受命各還國遣戍不時至故獨書魯 一月公至自救陳 《一卷九集公 至不可得而

春秋說器 城費 小 夏四月三卜郊不從乃免牲 七年春郯子來朝 十有二月齊侯滅萊 季孫宿如晉 冬叔孫豹如邻 邾子來朝 對季氏邑也行父相三君而無私積宿初嗣位首城私邑不 臣見矣自僖公賜季友汝陽田及費此季氏所以强宿使南 傳日晉以鄫故來討也 三小禮也夏四月不時也傳日改藝而郊 病晉悼也傳日立異姓以爲後夢也 卷九 衰公 五,

八月螽 **《十月衞侯使孫林父來聘王戌及孫林父盟** 十有二月公會晉侯宋公陳侯衞侯曹伯莒子邾子于鄒 **楚公子貞帥師闔陳** 鄭伯髠頑如會未見諸侯丙戌卒于鄵 季孫宿如衞 氏所以弱 遺城費此陪臣所以强季孫斯師師墮費此陪臣所以亡季 鄭 杜氏預日謀救陳陳侯逃歸不成救故不書教也 侯歸而卒矣若巳見諸侯則不必書也陳侯如會袁僑 何以書著實也即解皆鄭地若但書如會則疑於已見諸 ,伯何以生名卒名也卒名加之如會之上便文爾未見諸

書者也且夫弑逆大惡也如實不弑君者非可失入而書之 其臣欲從整者斌也然則親弑君者竟誰乎其為傳疑亦明 隱聖人佛識多聞凡所書者皆為萬世傳信未有疑而筆於 書卒或書弑書弑不疑者也書卒疑者也非也春秋推見至 矣何足信乎或日凡弑君者赴告之解皆有以自文春秋或 罪與以疑而出人罪皆非所以傳信也此經書鄭伯未見證 左氏日子駟使賊弑也公羊日大夫欲從楚者弑也毅梁日 侯而卒辭理男白本無可疑者三傳乃自生疑並以疑誣經 日弑也如實弑君者獨可失出而書之且卒乎以疑而入人 此書矣而傳聞者同口而疑之於是信其疑而目之日弑也 明其然也鄭伯適以如會未見諸侯而暴卒三傳旣見經如 是也三傳皆日此斌也吾以輕斷之日此卒也非弑也奚以

春秋說晷 陳侯逃歸 季孫宿會晉侯鄭伯齊人宋人衞人邾人于邢丘 鄭人侯蔡獲蔡公子燮 夏葬鄭僖公 八年春王正月公如晉 使大夫聽命也鄭伯何以親之獻捷也皆何以稱人大夫稱 何以會傳日命朝聘之數也公在晉何以使宿會重煩諸侯 **耳故曰吾以經廝之此卒也非私也傳日諱也非也劉氏欲** 主多矣何獨此或日貶也誻侯在而大夫會非也大夫稱 人恒辭也傳日尊晉侯也不以大夫敵盟主非也大夫敵 以發人之疑也非也審如是則無爲傳信也 日從赴書卒見鄭無臣子也非也方氏苞日書未見諸侯所 卷九惠公

九年春宋災 秋八月癸未葬我小君穆姜 冬公會晉侯宋公衞侯曹伯莒子邾子滕子薛伯杷伯小邾子 五月辛酉夫人姜氏薨 夏季孫宿如晉 晉侯使士匄來聘 冬楚公子貞師師伐鄭 齊世子光伐鄭十有二月已亥同盟于戲 **莒人伐我東鄙** 秋九月大雩 公至自晉 不為貶 ... __ EN7.7

看秋說君 楚子伐鄭 邾子齊世子光會吳于柤 十年春公會晉侯朱公衞侯曹伯苕子邾子滕子薛伯杞伯小 夏五月甲午遂城偪陽 ム至自會 晉欲致鄭則楚人議其後得吳則吳人議楚後晉角之吳掎 會又會猶鍾離也傳日外之非也吳在相晉以諸侯往會之 于鄒不致以繼會邪上故于戲不致以繼會相故 同盟者鄭服也何以不致權有事也傳曰恥不能據鄭 之楚也疲晉也逸自是三駕而楚不爭然吳亦由此浸凌殭 結吳所以撓楚也吳者楚之臂也楚用則楚遷晉用則晉殭 因會而滅之故日遂滅之葢以通吳道也 老九月 非也

いとくしま 秋艺人伐我東鄙 冬盗殺鄭公子騑公子發公孫輒 小邾子伐鄭 公會晉侯宋公衞侯曹伯甚子邾子齊世子光滕子薛伯祀伯 晉師伐秦 楚公子貞鄭公孫輒帥師伐宋 賤當壽名變也傳曰尉止等五族作亂殺之即如是何以不 賤者窮諸盗非也賤者之名不著於春秋常也殺君大夫 然則监殺蔡侯申何以稱留不稱舒則不知為蔡君也傳 法氏坤宏日秦附楚故也晉通吳以制楚楚援秦以敵晉 以不日盗殺鄭大夫嫌也大夫者對君之稱非所施於盜 兩下相殺稱名不得其主名 記し製公 則稱盜盜者陰賊之辭也何 也 雖

戊鄭虎牢 公至自伐鄭 看利部學 十有一年春王正月作三軍 楚公子貞帥師教鄭 **益作中軍也何以謂之作三軍毀舊乘從新制或日魯故三** 軍矣言作者以私易公也三分之各取一葢自是兵去公室 作為也軍萬二千五百人也三軍大國也魯二軍今頃其一 名 矣古者有公兵無私兵有事三卿更將事畢將歸朝車歸甸 虎牢緊鄭何以知非鄭服而為鄭戍之也以下書楚公子貞 救鄭知之也 兵歸邑古者家不藏甲以爲大夫不得尸兵也〇方氏苞旦 2 绝力……

有秋說書 小邾子伐鄭 鄭公孫含之帥師侵朱 秋七月已未同盟于亳城北 公會晉侯宋公衞侯曹伯齊世子光苕子邾子滕子薛伯杞伯 夏四月四卜郊不從乃不郊 杜氏頂日亳城鄭地伐而書同盟鄭與盟可知非也啖氏 免牲何也行免牲之禮也彼葢牲不吉非日不吉故但書免 作三軍者季氏自爲一 **牲既免牲則不郊可知故不言乃不郊也** 免牲不吉而不敢免也然則僖三十 謂三桓各有 不從者牲日皆不吉也故不書免牲惟書不郊而已或日卜 を打事な 一軍者誤 軍孟叔共為 一年亦四卜郊不從書 儿 軍而公徒為中軍也

公至自伐鄭 公至自會 公會晉侯朱公衞侯曹伯齊世子光苕子邾子滕子薛伯祀伯 邾子伐鄭會子蕭魚 伐鄭曾蕭魚鄭成也會而不盟不必盟也自是鄭不叛者 下書楚子伐鄭亳盟鄭不與故下書差鄭伐朱 從之楚以敵其後北方小安兵革息 **師不陳善陳不戰吾三分四軍更出肄楚則不戰而疲也公** 十四年三駕之功也初晉悼三年四伐鄭不得志茍簪日善 日戲毫二盟鄭皆不與濫諸侯自相盟亦非也戲盟鄭與該 致會不致 使何也大蕭魚之會故告廟 而以愈致

楚人執鄭行人良觜 冬楚公子貞帥師侵朱 秋九月吳子乘卒 夏晉侯使士魴來聘 入軍 夏取部 公如晉 十有三年春公至自晉 冬秦人伐育 十有二年春王三月莒人伐我東鄙國台季孫宿帥師救台遂 **大夫無遂事遂者專之也** 部國也 取者取為附庸也故不言滅傳日部凱分為三魯並

春秋說書 冬城防 秋 十有四年春王正月季孫宿叔老會晉士匄齊人朱人衞人鄭 公孫戴曹人莒人邾人滕人薛人杞人小邾人會吳于向 二月乙未朔日有食之 九月庚辰楚子審卒 唇二卵粒含劑介劑也此皆大夫矣或名之或入之葢舊史 秦報伐也會與伐君不親之悼德衰矣自是凡役皆大夫 伐桑攝也非也春秋不以書人為貶方氏苞日成公以後稱 見者舊史畧之也傳日齊宋大夫不書情也衞北官招書於 郝遂取之 之文有詳譻耳非義例也小國大夫與會盟終春秋無以名 人者非卿也亦非也卿大夫稱人恒辭耳會于向爲吳也伐

戚 冬季孫宿會晉士匄朱華閱衞孫林父鄭公孫麼莒人邾人于 秋楚公子貞帥師伐吳 已未衛侯出奔齊 ドレさー 有五年春宋公使向戌來聘二 傳 成衛亂者孫林父在台不書亂而成亂自朋也 君奔君弑多為偏貴君之辭害義傷教不可以訓 偷侯所也林父逐君不膏者春秋膏奔不膏逐也 0 胡氏於 / 侵我東鄙 / 邾人滕人薛人祀人小邾人伐秦 日謀定衛也。萬氏斯大日此與會稷成宋亂無異不 叔孫豹會晉荀偃齊人朱人衛北宫括鄭公孫臺曹人 きし妻公 一月已亥及向戌盟于劉

秋八月丁巳日有食之 子于溴梁戊寅大夫盟 十有六年春王正月葬晉悼公 冬十有一月癸亥晉侯周卒 季孫宿叔孫豹帥師城成郛 夏齊侯伐我北鄭圍成公敦成至過 **劉夏並王后于齊** 三月公會晉侯朱公衛侯鄭伯曹伯芘子邾子薛伯杞伯小鄉 劉氏夏名稱名非卿也遂后不使卿非體也逆后常事不書 不告與 非禮則書若其不告雖當書亦不書也此書逆不書歸或齊 人伐我南鄙 そう

晉人執苨 をとえる 对侯伐我北節 老會鄭伯晉荀偃衛衛殖朱人伐許 公至自會 也十 省文耳閒無異事故不須復言諸侯或日不繫諸侯者大夫 月甲子地震 傳日以我故 大夫敵 不臣也 之大夫繫諸侯事十雜澤之大夫繫諸侯見 平速舞即吉太不慎 九年執邾子不言以歸者旋釋之也 子和 非也即繫諸侯無以見大夫臣也或曰盟齊高厚以 夫 也 且通齊楚之使執諸侯未有以歸者以歸非 子以歸 A. Line 非也即盟對高厚何不審如陳袁僑也 也諸侯會而大夫 1 三此其不繫 君失政 也 何

九月大雩 秋齊侯伐我北鄰圖鄉 宋華臣出奔陳 宋人伐陳 冬叔孫豹如晉 大雩 冬邾人伐我南邲 秋齊侯伐我北鄰圍樵高厚帥師伐我北鄙圖防 夏衞石買帥師伐曹 | | 有七年春王二儿庚午邾于楻卒 お言葉 齊三年而五伐弱晉卑魯也明年卒致十二國之團 荀偃主兵序鄭伯下不以大夫先諸侯也 /・オナー

冬十月公會晉侯宋公衞侯鄭伯曹伯莒子邾予康子薛伯祀 秋 曹伯負錫卒干師 伯小邾子同圍齊 卧 火 発界 夏晉人執衛行人石買 齊師伐我北部 有八年春白狄來 聞未有稱同者齊靈怙殭住兵諸侯同族之 安得不啻行人春秋非以其事别也 不以本事執者也非也官非行人也安得書行人官行人也 傳曰爲曹故○方氏苞曰不壽行人以本事執者也書行 行人者官也執或官或不官何也著其實也執行人非禮也 杜氏預日不言朝不能行朝禮 一 能允表公 벌

晉人 執邾子 楚公子午師師伐鄭 季孫宿如晉 葬曹成公 取邾田自漷水 公至自伐齊 十有九年春王正月諸侯盟于說柯 自鄉水以鄉水為界也取者多魯不數也傳日鄉移非也以 取者不以道得也介人之力扶人之田邾田者非魯故田也 此图也以伐致图伐 圍齊之諸侯也不序前目後凡也 移而正之不當坐取出 Ħ

城西郛 野火覺唱 冬葬齊盛公 晉士匄帥師伎齊至穀閩齊侯卒乃還 八月丙辰仲孫茂卒 秋七月辛卯齊侯壤卒 孫豹會晉士匄于柯 殺其大夫公子嘉 殺其大夫高厚 之非也 善其畢所未畢也舉則伐喪矣專之可傳曰外專君命故非穀齊地侵者其志也至者未侵也還者事已畢也此事未畢 循环林父郎師伐齊 **医九赛公** 与

拔武城 蔡殺其大夫公子燮蔡公子履出奔楚 仲 陳侯之弟黃出奔楚 秋公至自會 夏六月庚申公會晉侯齊侯朱公衞侯鄭伯曹伯莒子邾子滕 子薛伯祀伯小邾子盟于澶淵 7771 孫速帥師伐邾 一十年春王正月辛亥仲孫速會莒人盟于向 大离君三年不呼其門閔子騫要経腸事退而致仕孔子善 傳日齊成改也 之說日君子不奪人喪亦不可奪喪也 釋舊怨也伸孫連者蔑之子未練而從政非禮也古者臣有

邾庶其以際閻丘來奔 冬十月丙辰朔日有食之 权 李孫宿如宋 也魯登三叛人 **閻丘二邑也大小敵** 老如齊 日重地非也即不重 小國大夫恒稱人而特以事見雖賤必書名屬辭之體也傳 日與變同謀黃亦奔而自理 之履其母弟也走之楚陳慶虎慶寅畏公子黃之倔恕諸楚 **柳弟者未官也傳曰楚人** 一年春王正月公如晉 彩秋 五庶 故 一地亦當書名不書名則不知孰誰也茶 言及以邑出爲叛其言來奔內辭 使蔡無常公子變欲從晉蔡人殺 一黑座星

|冬公會晉侯齊侯朱公衞侯鄭伯曹伯莒子邾子薛伯杞伯 秋七月辛酉权老卒 冬十月庚辰朔日有食之九月庚戌朔日有食之 夏公至自晉 をも前者 夏四月 曹伯來朝 秋晉桑盈出奔楚 邾子于沙隨 公會晉侯齊侯宋公衞侯鄭伯曹伯莒子邾子于商任 二十有二年春王正月公至自會 一人 老力 引人 麦

春秋說畧 陳侯之弟黃自楚歸于陳 陳殺其大夫慶虎及慶寅 楚殺其大夫公子追舒 葬祀孝公 公至自會 邾昇我來奔 十有三年春王二月癸酉朔日有食之 書不告也稱及者以貴及賤也慶誅而黃歸矣 慶氏專國奔君之弟其罪大矣傳曰以陳叛爲國人所殺不 月己巳杞伯匄卒 之也明年盃入晉幾亂國 商任沙陵二 卷九良公 會傳 日年 樂盈也盈出矣又極之所往士匄口

冬十月乙亥臧孫乾出奔邾 己卯仲孫速卒 **晋欒盈復入于晋入于曲沃** 秋齊侯伐衞遂伐晉 八月叔孫豹帥師救晉次于雍榆 害人晉 齊伐晉助樂氏也遂以伐事之次也救而次有畏也不成救 傳曰范氏殺之也稱晉人者以國殺告也不言大夫非大夫 後之解傳曰由曲沃而入非也即如是經當先書入曲沃後 也畏晉而懂齊 復入者逆辭也曲沃邑也入爲亂言入晉又言入曲沃者先 殺樂酒

大水 秋七月甲子朔日有食之旣 八月癸巳朔日有食之 齊崔杼帥師伐莒 仲孫羯帥師侵齊 齊侯襲艺 夏楚子伐吳 二十有四年春叔孫豹如晉 傳日晉故也仲孫羯者速之子未練而從戎非禮也古者臣 有大喪已練可以弁冕服金革之事 襲者掩也未有言襲者君而襲君病矣 也出奔位已絕

咚楚子蔡侯陳侯許男伐鄭 公會晉侯宋公衞侯鄭伯曹伯莒子邾子滕子薛伯杞伯小邾 春秋說畧 陳鍼宜咎出奔楚 叔孫豹如京師 子干夷儀 公至自會 毁王宮齊城之不書不告也○會於夷儀傳曰將伐齊水不 傳曰聘且賀城城者何齊人城郊郟者王城也於是獸洛鬭 克葢齊懼故城以說王耳凡魯聘王皆囚事而往此無事 兵國有人故也 傳日伐鄭以救齊○鄭孱國也子產相之楚不能難晉不加 云然魯聘王止此 《卷九襄公

六月壬子鄭公孫舍之師師入陳 大機 公至自會 秋八月已巳諸侯同盟于重丘 公宫晋侯宋公衞侯鄭伯曹伯莒子邾子滕子薛伯杞伯小 衞侯入于夷儀 子士夷儀 夏五月乙亥齊崔杼弑其君光 十有五年春齊崔杼師師伐我北鄙 崔杼弑君自於夷儀將討之以賂故不克盟于重上以定之 同者有同也同黨賊 ---傳口五穀不升為大條 / XX XX 邾

楚屈建帥師滅舒鳩 冬鄭公孫夏師師伐陳 看秋說名 上有二月吳子遏伐楚門于巢卒 二十有六年春王二月辛卯衞甯喜弑其君剽 辭也 吳子何以生名卒名也門者門之也巢國也門巢何以卒傳 突復歸于鄭則入慄名可也或曰突不正也故名衎正也故 有二衛侯此何衛侯也祈也會夷儀者剿也然則孰正曰衍 日吳子好勇而輕巢人誘之親門焉射之卒 不名非也名與不名何足以見正不正也或曰名不名從告 也下書衞侯衎復歸于衞則入夷儀不名可也後不書鄭伯 正正則何以不名別有見也然則突入櫟何以名後不復見 一 老九

好伙没客 夏晉侯使荀吳來聘 甲午 公會晉人鄭良霄宋人曹人于澶淵 據 亦然見十年 **降尊毀列或名之或人之與會向伐秦義同見十** 叛也 畧耳非 武不書尊公也向威不書後也非也名之人之此自史有詳 傳日來聘召公也會于澶淵以討衛驅敗 剽不正何以稱君君之兩衎正矣何以名失國兩 衛侯衎復歸于衞 七背君日叛杜氏預日衍雖未居位林父專邑背國猶爲 林父入于城以叛 義例也鄭先朱葢先至故也齊世子光先縣薛杞舊 一 後九 長公 Ł 田晉黨逆獎亂 〇傳日 趙 公

葬 秋宋公牧其世子鉴 夏 霄許人曹人子朱 冬整子蔡侯陳侯伐鄭 皆 十有七年春齊侯使慶封來聘 权孫豹會晉趙武楚屈建蔡公孫歸生衛石惡陳孔與鄭良 許靈公 是南北二霸天下多事向成爲之也弭兵大事也會何以無 月壬午許男甯卒于楚 傳日宋向戌欲弭兵爲名爲此會且令晉整之從変相見自 人執衛甯喜 孫林父甯喜熙一 非執弑君也執不附已者 也晉於林父右之於甯喜執之郝氏敬日

偷殺其大夫甯喜衛侯之弟鱄出奔晉 誓衛不反過矣 **殺甯喜者非討賊也討其專也初獻公求反國於葛喜日鹽** 會次序本異今屈建所爭省歃血之先後耳其大夫之會楚 **葢孔子追正之亦非傳意** 大夫也信不近義言不復傳之約非義矣君兄無絕道至於 而患其專殺之鱒走之晉織絢邯鄲終身不言衞鱄稱弟 也來無用盟於是以鮮往約日政由甯氏祭則寡人公院 固未害先腎也傳曰書先晉晉有信也考之已不詳杜預日 **防日周制以班爵為序歃血則先同姓說見定四年是盟** 先敬經先裔者盟則先楚會則先晉會號亦然見耶。趙氏 諸侯政在大夫也會何以無宋地於宋宋與盟可知傳日楚 與

春秋說畧 仲孫羯如晉 **和子來朝** 夏衛石惡出奔晉 冬齊慶封來奔 秋八月大雩 冬十有二月乙亥朔日有食之 秋七月辛巳豹及諸侯之大夫盟于宋 十有二月甲寅夫主崩 十有一 未楚子昭卒 十有八年春無冰 豹不氏者前已見也會盟同地再言之者别於異地也 一月公如楚 一卷九里区 盾伙说目 一十有九年春王正月公在楚 甲寅以傳寫偶誤 范甯云承前月而受其餘日故書閏月之日繁前月之下或 止公送葬灣公在楚外楚也案權弓記曰襄公朝於荆康、 多矣成公如晉晉人止公送葬不書公在晉內晉也 之乙亥是十間矣是左氏 乙未無甲寅胡氏說雖善 〇李氏光地日以去年十二月乙亥朔推之此年十二 人理自新威君不在故特存之然則公以朝會正月在外者 公在楚何以霽以正月書也三始之正嘉禮所重朝正於廟 日喪不數閏春秋兩書閏皆爲非禮而書其得禮則不書 朝氏日甲寅乙未相距四十二日則閏月之駿也不書閏者 一月期 紀し妻公 此年實無関當從 日杜以 利日 此楚 一月有 失氏

閹弑吳子餘祭 庚午衞侯衎卒 夏五月公至自楚 仲 人滕人薛人小邾人城祀 悔之是楚止公送葬之事 卒荆人日必請襲督人日非禮也荆人强之巫先拂枢荆 孫羯會晉荀盈齊高止宋華定衞世权儀鄭公孫段曹人莒 也若本吳人當警吳屬弑其君餘祭不得云屬弑吳子也傳 **閻門者也不稱姓名無人道非人也不稱其君非人也何有** 君然則何以稱弑勵食職也無人道有臣道の傅日開越俘 日近刑人輕死之道也 傳日晉平公祀出也故城之動大衆私母家故曰晉棄諸姬 147 Ē 春秋說畧--吳子使札來聘 晉侯使士鞅來聘 **化子來盟** 於上國此說是也公穀以使札為賢胡氏以去公子為貶皆 使也或日始進之非也不稱公子與楚椒同吳未有來聘者 傳口來聘者 非也經壽吳子使札來聘見吳縣殭耳與楚子使椒泰伯 造使而後遇弑札以六月到魯未聞喪不稱公子其禮未同 於是縣殭交上國其後遂主諸侯會盟〇杜氏預日吳子 吳子者餘祭也舒舉者便文耳不可曰吳使叉不可曰吳-誤以卒稱祀伯不合生稱杷子泉祀伯卒 而屏夏肄 卷九襄公 拜城且治祀田也故來盟繼之祀子葢祀伯之

秋 冬仲孫朔如晉 五月甲午宋災宋伯姬卒 齊高止出奔北燕 一十年春王正月楚子使薳罷來聘 九月葬衞獻公 在晉北傳日高止好以事自爲功且專故及 何 祈亦有何異緣 四月蔡世子般弑其君固 不日者史失之 往如此 吳亂亦非札致何緣預貶於前胡氏望文生養不顧所安 以稱北燕别也范氏甯曰南燕姑姓在鄭衞閉北燕姬姓 札字妄生發貶於經無當叉札議國在後

۲ 人兄里 王段其弟伎夫王子瑕奔晉 得專殺不容不書也春秋書殺之例亦不論有罪無罪也 殺王子毋弟虐及骨肉安得不書刑殺國之大事雖天王 也傳言自周無出非也周公之奔也自內出也故特言出 殺者不當坐王矣瑕者佐夫黨也走之晉不言出葢自外去 傳日儋括將寫亂立伎夫伎夫弗知羣臣殺之非也若羣臣 災有日卒無日見以災卒也君母而災卒焉無臣子也宋災 晋雖王子不書甚者母弟亦不書必殺無罪也 而後書非 火延伯姬舍左右諦避姬日婦人保傅不俱将不下堂越義 者徒見經書王殺止此一處妄為之說耳不知理不可通也 子朝之奔也自外出也故不言出。陳氏作刊日凡王殺 而生不如守義而死遂逮乎火而死葢年六十餘 法に衰公

則 |秋七月叔弓如朱葬朱共姫 春 盈 良霄出奔許自許人于鄭鄭人殺良霄 非也紀叔姬 為少耳 傳日霄汰侈嗜酒奔許復入襲鄭伐公門死乎羊肆不言士 卿共葬非禮也葬舉諡稱共姬者婦從夫諡正也傳日賢也 罪而後醫乎周魯積弱皆以相忍為國其所誅殺本視他 非大夫也出奔位已絕○方氏苞日不再言良需與宋華 異者亦方奔而即入也 秋全經魯書刺者亦僅有二豈亦比諸王殺不書必殺 異者許鄭接壤方奔而即入也不言復入與朱魚石晉樂 月葬蔡景公 不稱諡媵也此稱諡嫡也 团

三十有 晉人齊人朱人衛人鄭人曹人莒人邾人滕人薛人杞人小卯 秋九月癸巳子野卒 夏六月辛巳公薨于楚宮 八會于澶淵宋災故 亂 **察景** 楚宫非正也公葢自楚歸而寫放其宮改名楚宮 會未有目其故者此日宋災故何也嫌也不日宋災故即安 諱之非也于稷成朱凯何以不諱公 知不疑為討蔡故或以他事會乎恤災小惠也討賊大義也 天魯宋姻也葢會葬時已歸財矣此會魯不與故不書 鮁而不討乃更朱喪歸其財大夫稱人恒辭耳會無魯大 一年春王正月 魯往會也謂賊不討不書葬者非也

春秋說替 癸酉葬我君襄公 冬十月滕子來會葬 有) 亥仲孫羯卒 庶其傳同 秋說畧卷九 諸侯之葬諸侯會非禮也 奔○傳日展與因國人以攻莒子弑之乃立陸氏淳疑以字傳日犂比公虐國人攻而弑之立展奧展奧者去疾弟去疾 當為之字懿行案以巳古通用非誤也文十八年苕弑其君 野卒不地葬不書故也何以故葢城由季氏也傳稱子野以秋說春————卷九纂公 **毁卒疑李氏爲之辭** 月营人弑其君密州